

T 5236.7 / 2213

7

CHINESE JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
MAR 14 1932

皇朝文徵卷之七

古樂府

緝紳

劉基

氣出昌

晉江何喬遠

今日不樂振策遠遊東上泰山擬何鑿修道逢
仙人委我回仇奈霞爲糧烹玉爲羞方英素裂
光華漫流日觀南首絕華九州令我從之身輕

皇明文徵卷之七

晉江何喬遠穉孝選

哈佛大學哈佛燕京
圖書館珍藏印

古樂府

縉紳

劉基

氣出唱

今日不樂振策遠遊東上泰山巍何修修道逢
仙人要我同仇蒸霞爲糧烹玉爲羞玄英素糗
光華漫流日觀菡萏葩華九州令我從之身輕

若浮道以五鸞翼以兩虬朝翔玄圃夕止蓬丘
謁見王母雲眉月眸青娥三千或舞或謳風吹
琅玕聲如鳴球雜花並開莫知春秋洪崖先生
勸我此畱自揣凡骨非仙者儔七情交煎一觸
百抽又病戇僻無藥可瘳崇崇清宮蕩無崖陬
列仙如沙不少一漚王母笑聽拜謝叩頭歸來
山林曷標曷鉤熙熙泰和長樂無憂

簷 同

前有尊酒行

前有一尊酒後有三尺墳墳前兩樹花墳中不
知春分明記得墳中叟曾共當年飲春酒

高

啟

十二首

燕歌行

清商變節朱火違嚴霜塗庭卉木腓邊城早寒
未授衣念君遐征不能歸涼風時來動中闈蠨
蛸在戶熠燿飛賤妾宵興嘆無衣簪珥不施減
容輝欲寫憂思撫瑤徽君今不在聽者稀啟明
未出燈已微愛而不見徒歔歔

堂上歌行

堂上歌歌南山主人爲歡仰客顏翠帷夜卷出
兩鬟移尊更飲花樹間花樹間有明月客不醉
歌不歇

征婦怨

良人不願封侯印虎符遠發當番陣幾夜春閨
惡夢多竟得將軍軍覆信身沒猶存舊戰衣東
家火伴爲收歸妾生不識邊庭路尋骨何繇到
武威紙蟠剪得招魂去只向當時送行處

猛虎行

陰風吹林鳥雀悲猛虎欲出人先知目光瞳瞳
當路坐將軍一見弧矢墮幾家插棘高作門未到
日沒收猪豚猛虎雖猛猶可喜橫行只在深山裏

寒夜吟

月下凍痕生綠井隔簾霜片飛無影樹枝風息
轉凝寒愁人如鳥棲未安夜短夜長應獨覺熒
熒殘燭鳴烏角

養蠶詞

東家西家罷來往晴日深牕風雨響二眠蠶起
食葉多陌頭桑樹空枝柯新嬾守箔女執筐頭
髮不梳一月忙三姑祭後今年好滿簇如雲罽
成早簷前繰車急作絲又是夏稅相催時

打麥詞

雉雛高飛夏風暖行割黃雲隨手斷疎莖短若
牛尾垂去冬無雪不相宜塲頭負歸日色白穗
落連耒聲拍拍呼兒打曬當及晴雨來怕有飛
蛾生臥驅鳥雀非愛惜明年好收從爾食

賣花詞

綠盆小樹枝枝好花比人家別開早陌頭擔得
春風行美人出簾聞叫聲移去莫愁花不活賣
與還傳種花訣餘香滿路日暮歸猶有蜂蝶相
隨飛買花朱門幾迴改不如擔上花長在

憶遠曲

楊子津頭風色起郎帆一開三百里江橋水柵
多酒壚女兒解歌山鷓鴣武昌西上巴陵道聞
郎處處經過好櫻桃熟時郎不歸客中誰爲縫

春衣陌頭空問琵琶十欲歸不歸在郎足郎心
重利輕風波在家日少行路多妾今能使烏頭
白不能使郎休作客

送客曲

送客車在門勸客杯在手明日長安花今夜宜
城酒願客飲此勿復辭我無黃金爲客壽人生
無處無弟兄鄉里刺促誰知名賣書買得百金
劍有身須向關山行馬四蹄車兩轂行人欲發
休躑躅嗶嗶雞鳴赤日旭

里人行

里人有病不飲藥神君一來疫鬼却走迎老巫
夜降神白羊赤鯉縱橫陳男女殷勤向前拜家
貧無肴神莫怪老巫擊鼓舞且歌紙錢索索陰
風多巫言汝壽當止此神念汝虔賒汝死送神
上馬巫出門家人登屋啼招魂

梧桐園

桐花香桐葉冷生宮園覆宮井雨滴夜風驚秋
鳳不來君王愁

唐 肅

秋江曲

妾家住銀塘石楠秋葉香憶君蕩槳去江水與
愁長西風葉泣蒹花露鴨嘴灘底人不渡冷莎
如鐵刺煙素鴛鴦飛來鷓鴣去

智伯頭飲器歌

飲伯頭些伯鬼伯死寧知頭作器玉盤酒滴猩
猩紅血波倒浸泥丸宮雷吼無聲電晴墜伏犀
骨斷漆花賦老龍一吸銀海澁飲闌擲栝怒髮
立英雄夜半不敢泣君不見君漆頭臣漆身恨
君藍臺爭諫臣

孫 蕢

短歌行

擊長劍和短歌短歌聲無歡調促情苦多盼流
光疾逝波青銅霜飛柰老何

古意

山樊花落春風起吹妾芳情渡湘水夢中蝴蝶
相交飛門前鵲聲郎馬歸

鴛鴦篇

南浦雙鴛鴦生來不獨宿葉底已雙飛花邊還
對浴鴛鴦可羨復可憐况妾容華方少年

牧羊詞

隴羊尾篔簹山虎毛離離願得山虎死隴羊長
自肥蒼茫大化良亦苦怪底生羊復生虎

蠶娘詞

朝看箔上蠶暮收繭上絲絲成給日食不得身
上衣早知阿家蠶事苦不若當初學歌舞

雲南樂

成都賈客向人語黎州多風雜多雨雪山萬古
長不消山下四時風氣暑竹林西畔是雲南不
論冬夏披氍衫蠻官見客花布襖村婦背鹽青
竹藍繩橋跨澗石巖業部落馬蹄皆灌鐵引筒
貫索通客行挿木入崖防棧絕郫筒酒熟蠻人
歌太平今喜無兵戈懸車不戍相公嶺賣馬安
行大渡河牛纓換貸躋印竿路出彭門緣劍閣
火井秋篁截洞簫幾腔吹作雲南樂

貝瓊

行路難

采玉于闐河問君勃律何處過采珠鮫人室問
君百粵何繇出珠玉歲久同爲塵君胡重利不
重身海有波缺我楫山有石摧我輪行路難出
門卽羊腸何況萬里道管叔危周公匡人仇魯
叟尊有酒盤有壺鼓坎坎歌鳴鳴海不可涉山
不可徒路傍之人愛爾玉與珠我以為父安知
非虎我以為兄安知非狼仰天悲歌涕下沾裳

南豐民

南豐典史馮堅謠

山市晴山鳥鳴商旅行農天耕老瓦盆中濁酒
盈叫囂隳突不聞聲

丘濬

公莫舞

公莫舞公莫舞不必區區聽亞父霸王自行掃
地空不殺一端差可取咸陽宮殿成劫灰三秦
城邑衝殺機云何居鄴七十叟不及外黃黃口

兒公莫舞公莫舞公莫舞徒爲爾天命繇來歸有
德不在沛公

岳王墳

我聞岳王之墳西湖上至今樹枝尚南向草木
猶知表蓋忠君王乃爾崇奸相青衣行酒誰家
親十年血戰爲誰人忠勛翻見遭殺戮胡兒未
必能亡秦嗚呼臣飛死臣浚喜臣浚無言世忠
靡檜書夜報四太子臣構再拜從此始

李東陽

屠兵來

兒勿啼屠兵來趙宗一綫何危哉千金賣兒兒
不死真兒却在深山裏妾今有夫夫有子死兵
易立孤難九原下報無慚顏趙家此客還此友
穿何故亾盾何走誰言趙客非晉臣當時嬰杵
爲何人

國士行

漆爲癘炭爲啞彼國士何爲者趙家飲器智家
頭一日事作千年仇報君仇爲君死斬仇之衣

仇魄褫臣身則人心已矣

昌國君

齊城下卽墨守燕將代昌國走卑辭累使招不
歸臣心上有先王知先王知心獨苦義君臣邦
父母當時誓死却齊封更忍還兵向燕土終不
似信要劉胥報楚

鴻門高

鴻門高高屹屹日光盪雲霧塞雙舞劔三示玦
壯士入目皆折謀臣怒玉斗裂網彌天龍有翼
龍一去難再得

聞鷄行

城頭鷄鳴聲不惡祖生夜舞司州幕南來擊楫
向中流殺氣橫秋盡幽朔手提一劔馴兩龍黃
河以南無戰鋒十州父老皆部曲誰遣吳兒作
都督中原未清壯士死遺恨吳江半江水

司農笏

司農手中無寸鐵奪笏擊賊賊腦裂賊雖未死
氣已折奉天天子雙淚橫十年棄卿真負卿臣

身區區勞記憶平原太守曾未識

鄭歇後

鄭歇後登台司國事去嗟何爲唐之衰風不競
天下紛紛非一鄭君不見宋家養士得士力無
數忠賢海中溺

安石工

端禮門金石刻丞相手書姦黨籍長安役者安
石工不識人賢愚但識司馬公卑疏不敢預國
事幸免刻名爲後累匹夫憤泣天爲悲黃門夜
半來毀碑碑可毀亦可建蓋棺事久乃見不見
姦黨碑但見姦臣傳

奇才嘆

奇才復奇才二聖一語孤臣哀孤臣哀淚如雨
衆欲殺臣臣有主不然安得夢中身天上語

三字獄

朋黨謫天下惜惜不惜貶李廸三字獄天下服
服不服殺武穆姦臣敗國不畏天區區物論真
無權崖州一死差快意遺恨施郎馬前刺

尊經閣

詠周是修也

尊經閣閣高不可攀前有文宣宮後有鍾陵山

張弼

獨漉篇

鼓鳴鐺歌獨漉獨漉亂我心曲不畏水深
不畏泥濁有弓當射蛟有力當脣玉烈女無媚
容丈夫不受辱翩翩者鵝鴉爲之逐林林謀丈
國仇未復我刀夜鳴欲勦膾腥子弗我礪夢寐
征營虎逸於山我睨於藩戶牖弗葺牀簣之患

高郵城

蒼狼猥子厭柘衣白駒亭戶建牙旗高郵城中
困狐兕簡書忽下縱鯨鯢鯨鯢南徙三江水汨
日滔天亂天紀黃菜葉搖風雨聲不知淮泗真
龍起真龍起鯨鯢死高郵城中花爾爾

養馬行

領馬易養馬難妻子凍餒俱尪孱若有芻豆且
自食安能養馬望息蕃平原草盡風色寒羸馬
散放聲嘶酸忽然倒地全家哭便擬賠償賣茆

屋茆屋無多賠不足更幸兒女街頭鬻隣翁走
慰不須悲吾家已鬻兩三兒

黃瑜

烈鴛謠 有序

成化六年十月淮安鹽城大蹤湖漁
人見鴛鴦交飛獲其雄烹之雌戀戀
飛鳴投沸湯中而死漁人悲其意爲
棄羨不食余稱之曰烈鴛

烈鴛可悲雄已死雌依依寧同鑊中烹不向湖
上飛生來相隨不相舍如今奮翅同所歸何事
楚宮嬌不語露桃脉脉東風裏

石珪

契苾兒曲

垂拱朝民間歌契苾兒詞曲多媒豔
亦樂之妖也契苾兒爲張易之小字
君歌契苾兒妾按龜茲舞酒盡燈欲滅堂前鸚
鵡語光順門宣供奉郎蓮塘水暖雙鴛鴦象牀
犀簾伏熊枕春風夜簸花枝狂誰家少年眼如

虎犁斷并州杏花雨

李夢陽

想像歌

李子北行日夜行思其兄其兄亦日

夜行於是作想像之歌

霧邪煙邪行草莽者兄邪

叫天歌

叫天歌者撫民之所作也余聞而悲

焉撮其辭而比之音

彎弓兮帶刀彼誰者子逍遙牽我妻放火我言

官府怒我解一彼逍遙者誰子出門殺人騎馬城

市汝何人誰教汝騎馬解二持刃來持刃來彼殺

我父兄我今遇之必殺此儉彼答言奉黃榜招

安嗟嗟奈何奈何解三彼不有官饒官賑之出有

馬騎我有租有徭有役苦楚胡不彼而解四

白毛行甲申元日作

元日地動生白毛發春當暖風蕭騷天時尚然

有錯迕老夫何怪兒童曹君不見猛虎失勢人

寢其皮惜也豈復能咆哮我歌白毛比之董逃

鴈門太守行

鴈門太守汝何人治邦三月稱明神我有牛羊
賊不來掠我有禾黍人不敢割昔我無衣今有
袴着我思禮拜太守太守不見憐但聞太守身
姓邊紫髯廣額聳兩顴太守出門四牡騃騃後
擁皂蓋前導兩麾行者盡辟易居者不敢窺旁
問太守胡所之云訪城南皇甫規

直如絃

直如絃死道邊相逢且勿諠敬聽古人言子雖
抱良璧暗投誰爲惜掇蜂尚見疑何況不相知
種桑爲得衣種穀爲得飽結交不得心不如絕
交早

月如日

月如日光如輪輪五色續哉紛貫紫霓揚風翎
扶太乙侵紫庭化爲白氣干天經張我弧挾我
矢祛褻滅妖天下理

何景明

豔曲

御溝連上苑大道接平沙紫陌三千騎青樓十
萬家城中楊柳樹風起暮飛花

王廷相

古東門行

出東門行遲遲入君門欲何依我衣日垢我馬

悲鳴嘶

解一

彼都客皇皇各自班雖東西飛浮雲

上天蔽富貴顧我何啻濁水泥

解二

濁水泥縕袍

不足耻陋巷大聖稱庶幾時命取舍安能違伯

夷叔齊采薇自苦可以嬉

解三

伯夷叔齊采薇自

苦可以嬉堂上張筵樽俎坻坻入門脫行纏感

君淚下流黃機

解四

古西門行

出西門行來歸山川險以巖驅車躍馬君何為

解一

堯讓許由天下可辭簞食豆羹嗟嗟鄙而憂

生煩思一何愚

解二

莫邪闌干魑魅避之虞奏簫

韶鳳凰來儀不見古皇得見古時

解三

春桃華韡

韡倏忽霜霰飛盛年不作樂老大徒傷悲

解四北

里撞鐘南里吹竽懽歌屢舞形神舒君今苦樂
當自知五解人生壽命日月速但願陛下南山齊
人生壽命日月速但願陛下南山齊六解四海格
心三辰垂輝延年永福昌其樂不可逾七解

巫山高

巫山一何高下來三峽流問子何所欲子亦何
所求洞庭有元龜西江有玄虬白龍遊赤水黃
鵠棲蒼丘覲諸大道靈可以解我憂黃金爲楫
沙棠舟我欲從之渺哉悠道逢仙人眉雪光手

持九華碧玉箱授我一丸藥木難鬱金香食之
可以騎日月飛蹕四海雲中翔龜爲車龍爲御
虬爲馬黃鵠翩翩飛來下

空城雀

空城雀何濡濡朝哺兩黃口夕棲枯樹株原田
每每豈不肥山長路遠心所虞鵲來勸雀我言
汝記取官倉之遺足飽汝胡爲戚促空城裏雀
答鵲空城無人晝索索草實潦泉生可託不及
鸞鳳遊赤霄榛棘跳浪亦足樂倉上可張網倉

下可設獲人生多智情則惡慎莫近人遭束縛
仙人王子喬篇

我思仙人王子喬乃在大海之中蓬壺湄奉君
雙明珠不肯遺我一字書君有他心奈何白日
來照當知之我思仙人王子喬乃在崑崙玄圃
之東徧常見日月相蔽虧我欲從之渺哉艱造
父已沒飛龍無媒膏車去去何時當來還我思
仙人王子喬七月七日下午來遊人間望之咫尺
不得近仙人勤勤言爾遊金闕爭名美人天桃

花黃金千萬餘何異腐壤而居我言軒轅堯舜
去已久我皇登至道萬民悅康壽而難老輔之
成太平非邪媚道仙人勤勤言玉霄三十六紫
皇驂鸞螭矯廻翔玉女麻姑灑掃天極白日清
靜聖相當今我下來遊作歌吹伊耆與爾陛下
萬歲期

烏鵲吟

烏啞啞鵲查查東方日出人辭家黃鵠高飛伯
勞嗟城頭伐鼓城門開送君早上黃金臺車輪

遙遙何時迴九月江南好天氣日日江頭望君
至鴻雁飛天鷄下地天涯恐有相思字

○瘦兒歌 有序

北方有鳥色黑而尾短其聲瘦兒瘦
兒俗呼爲後娘虫常夜啼出血童謠
云云余乃隲括其辭歌之以爲後母
戒

西山高查牙高高種作麻兒言種白苧母言要
暑衣種麻麻不成誓兒切莫歸兄抱熟麻子香

甜有餘味弟請易其子不悟母心計大兄種麻
麻滿園小弟種麻沒一根弟曰我逝去誰敢見
慈顏兄曰弟逝去我獨何能還人生在家不得
樂不如且倚他人山羅家罷黃雀山鷄入網裏
使心害他人天報在自已兒去竟不來阿母至
死悲化作相思鳥夜夜空林哀一更淚不絕二
更淚成血三更淚血盡飛鳴繞枝毛羽折百禽
聞之不能寐風淒月黑山石裂吁嗟嗟有兒有
兒不相守何不當時作慈母

斬民諂 四首

有芄者艾生我十七年之病得者愈五內失調
邪作主富貴耽慾乃自取艾縱有靈將奚補我
欲言之上官怒

右斬艾

龜翬生毛綠的的大如錢貴如璧養來盆中水
凝碧細人之坑有何益

右斬龜

白花蛇誰教爾能辟風邪上司索爾急如火州
中大夫却逼我一時不得皮肉破積骨如巴陵
殺爾種類絕白花不生禍始滅

右斬蛇

龍鬚作席光電電暑眠不及斬陽簟涼如水滑
如藤一簟幾工能作成官府取之只一聲有價
無價誰敢爭

右斬簟

徐禎卿

榆塞嘆

榆塞西來草似煙洛陽東望月如錢迴腸時時
輓轡轉蘭心夜夜膏火然蟲吟下牀露入幔天
河沉沉雲曼曼青相玉井一葉秋滿城寒砧星
物換空傳草草一行書誰寄遙遙千里嘆會日

苦少別離長人生失意恒過半

擬蕭子顯春別曲 三首

春風戲蝶一庭花落日聚雀空城麥半牀
敝帳掩朝寒滿鏡新愁減釵澤貞志寧忘陌上桑
同心共指西陵陌

鳴鸝欲亂花發齊江南草長綠葉萋三邊遠戍
十年妻驚顏感候那不啼

霧裏纖纖新月光機中少嬾織流黃可憐斷絲
不如淚零落時續不能長

孟洋

羊觸人

青苗邈邈白羊雙角羊食苗苗盡禿牧兒持杖
羊羊不受逐睨目視兒向兒觸兒莫能支走且
矚一羊奮股十夫力苦羊亦搏人况乃熊與虎

楊慎

邯鄲才人嫁爲廝養卒嬾

序曰予觀樂府有邯鄲才人嫁爲廝
養卒嬾篇特亡其辭亦失其解及考

史記張耳傳洎楚漢春秋並云趙王武臣爲燕軍所獲囚於燕獄先後使者往請輒爲燕所殺趙有厠養卒謝其舍中曰吾將載趙王歸舍中人笑之乃走燕壁以利害說燕將燕以爲然乃歸趙王厠養卒御王以歸武臣歸趙以美人妻養卒以報之是其事也予觀養卒有戰國策士之風太史公書其事文旣奇樂府歌其事亦奇

矣六朝及唐人擬作者皆似眯目道黑白雖吾鄉太白亦迷其原昔吾亡友何仲默一日讀焦仲卿妻樂府謂予曰古今惟此一篇更無第二篇也凡歌辭簡則古此篇愈繁愈古子庶幾焉可作一篇與此相對予謝未遑然亦未有茲奇事直當之也去今二十年屏居滇雲平晝無事散帙見此事思與仲卿事適類復憶仲默言乃

操觚試爲之以成此篇惜不使仲默
見之永昌張愈光亦仲默文字友也
遂往一通以寄愈光云

團團桂花樹生在邯鄲宮翩翩翡翠鳥結巢丹
桂叢花紅何灼灼翡翠何雍雍宮中有才人顏
色如花紅青雲爲雙髻明月爲雙瞳十三阿母
側十四深宮中貞心比筠竹榮華如茂松左手
抱齊瑟右手揮吳桐紫綺爲綢繆紈素爲裁縫
獺髓明點點龍涎薰褶襖楚蕖華跗薦燕支唇

珠融楊子江心鏡百鍊照膽銅複帷鎮文犀列
錢銜璧釭被繡共命鳥席坐同心狨蜻蛉唳鳳
子鷄翹濯鳧翁春襟燕乙乙曉寢虫蕝蕝芳池
七十二寶帳三千重名用琬琰刻臂用絳紗封
昔似河中鶯今從雲中龍雲龍不可繫河鶯那
得從君王好遊獵將軍射飛鴻青樓臨大道層
城俯雕甍燕兵北方來陣馬如螻蛄惡氛起廣
陌襄國迷旌幢悠悠俄轉轂去去成飄蓬暮看
月出西朝看日出東君王不可見日月光瞳矐

湛盧失吳劍烏號亡楚弓左將名飛虎右將名
飛熊前軍千人俊後軍萬人雄中軍張與陳耳
心餘腹同前使叩燕壁後使躡前蹤去節何揚
揚歸魂杳煢煢後軍戒前覆咫尺不敢通王宮
懸賞格賞格厚且隆侯印方斗大金帛嵩丘崇
不愛印懸斗不愛金堆嵩宮中有才人顏色如
花紅青雲頭上髻明月眼中瞳十三阿母側十
四深宮中逝將脫薪樵歸來取華容將軍問何
人竈下廝養童軍中駭且異駭異交譏諷爾廝

一何蚩爾養一何蠢爾去何當還無吉祇有凶
左將名飛虎右將名飛熊前軍千人俊後軍萬
人雄往往不生還纍纍形影空齟齬虎狼吻嗟
嗟么麼虫養卒含笑言君豈知我衷君亦勿賤
賤君亦勿庸庸君亦勿少少君亦勿窮窮勿以
江海流棄捐溝與溲勿以芝蘭芳棄捐菲與葑
勿以椒櫨貴棄捐薤與蔥君道如踐棘我道如
拆夔君道如探湯我道如撥麴我去車搖搖我
來鼓鼙鼙朝發趙北際暮望燕南衝沐露轉磨

笄戴斗徂崆峒行行日已夕停舟易水陰當門
報燕將言有趙使臨使者問燕將試言探臣曾
燕將語趙使爾欲得爾王趙使笑不止爾語曠
且霧燕爲唇齒國趙爲輔車邦張耳與陳餘饑
鷹待勁風交遊如父子遯秦聯翼獲一朝仗馬
箠下趙數十城各有南面志機會不巧逢勢屈
武臣下立王持趙心趙地今已定趙王爲燕擒
耳餘握趙柄武臣受燕籠王歸二人臣王囚二
人公肯迎生王輦惟逆死王軼死王良實願求

王但虛名王魂化燕氛二人喜無忤內舉全趙
勢外折弱燕鋒問罪始有名仗義不待攻王今
兵在頸行見雉離量臣來弔燕禍不來歸趙功
燕將色如土燕王胸如春乞爾趙王歸急歸在
匆匆出門不復顧仰天荷高穹養卒御王歸喜
氣如渴虹前歌揚金鑣後舞踏錦幪荆卿羞督
亢陳馳慙遷共惠公返曲沃勾踐復吳淞山川
再清明天地重照明智靡秦檣里勇冠夏門逢
銅斗咲刺客玳簪恣談朋三軍咸嘖嘖衆口交

喁喁升爲堂上賓永脫竈下烘張筵列樽俎烹
羔宰肥豨纍纍繫印綬瑟瑟穿玲瓏陽阿七槃
舞中山酒千鍾厚賞陳前墀養卒辭未終宮中
有才人顏色如花紅可惜桃李子降作糟覈供
始笑周尾生抱柱流寒淙復笑蘓季子愚婦不
下纒陳餘娶公乘張耳婚外黃持將比才人才
人姣無雙宮粧揚媵都野態滅妖穠殷勤語才
人才人莫心忪好去偕新郎新郎非虫氓繁華
少佳實麗色幾歡棕請看古美人命薄恨常濃

驪姬死晉市西施沉吳江黃鵠悲陶嬰蝴蝶怨
韓馮滂汭兩皇英南望九疑峯斑竹淚點點瀟
湘波洶洶章華貯巧笑細腰如黃蜂峽夢啼露
媛江眺傷青楓阿房三十六烈燄驚丰茸娥娥
總薄命嗚嗚歌懊懣相逢恨靡蕪相思苓芙蓉
爾名播樂府爾芳輝管彤寄謝東隣子學步休
言工

後緩聲歌

澤藏之山必有陸沉之波物或反其常君將奈

之何雌驍難爲雄斧小不勝柯心之憂矣歌且
訛復思入淮之爵必有飛海之鱉披枝且害心
繁實多隕條吐珠誰不舍曼睩能無招心之憂
矣歌且謠

古艷曲

皎皎復盈盈傾國更傾城珊瑚絲結網茗華玉

篆名宮女多相妬非關君薄情

珊瑚網西施事出吳越春秋逸

篇見劉克李義山詩註夏后氏二美女茗華刻名琬琰玉茗是琬華是琰見汲冢所語

雙燕曲

方云有風有體遠評忠愛之意

有鳥名飛燕雄雌自相將飲君玉池水巢君文
杏梁美人當軒坐恐沈羅衣裳請君驅除之君
憐不忍傷雛生八九子嬌愛比鳳皇鳴聲何啾
啾聞我庭東廂習飛還不遠墮墜雙扉旁主人
戒廬兒毛羽無摧戕不喙五株桃不啖五畝梁
秋風從西起翩翩向南翔昔爲黃口兒今爲烏
衣郎辭巢謝主人華屋息難志願主壽千歲歲
歲巢君堂

華燭引

華亭席上酒闌樂闕禹山張子愈光
誦梁人燭賦碧玉舞罷羅裳單之句
嘆其警絕而惜其非賦體也抽毫襞
紙屬予增損其辭以爲華燭引

六螭稅駕眠虞淵三爵行棲珠樹煙雲母䟽牕
花作地茱萸繡帳錦爲天銅芝抱蒂復纏柯金
藕相縈共吐荷虹貫彩暈迎雨歇密催香焰送
風過桂華漏促頻銷麝蘭燼天寒不畏蛾徐君
東壁機絲少郢相南方書誤多菖蒲傳酒座欲

闌碧玉舞罷羅裳單畱雲影射荆王枕滋露光
搖漢帝盤檻帶盈盈君不見脫纓脈脈兩相看

鶯郎行

苾澤鶯郎啜雛鳴鶯飛鴛鴦逐鴨鳩翠袖啼春
幽鳳奩紅絲穿露空鸞桺碧眼胡兒亂馳鴉三
五紅顏片時老今日盈盈滇海花明且蕭蕭陸
涼草

出家喜晴謠

玉女投壺玉皇側海童拖霖海天黑風花閃日

日笑雲

俗以雲氣班駁謂之風花古詩明月揚帆應復駛蒸雲散亂作風花俗諺以雨

乍落乍止日光穿漏謂之天笑

雲氣烘為雀頭色須臾變作樓

梯天黃絲襖出晒破磚

諺云樓梯天晒破磚又田叟冬晴見日喜曰天

上黃絲襖子出

茅簷夜望黎星沒蘆絮飛殘水生骨

諺云

黎星沒水生骨

靖蛉謠

美姜公也

靖蛉川礮碌野鐵箒窮岬飛鳥不下魑結成群
行白日腥風灑繫我犖牛驅笮馬金鷄廟前無
行者使君坐紫城袍鼓臥不鳴蒼山平洱水清

守犬無夜驚行商達天明白羽蠹青苗生南山
踏歌北山耕願畱使君住只愁使君去畏途前
番君不聞高車駟馬亦使君劫商車下殷車輪

休洗紅

憫山東流賊之亂也

休洗紅紅顏薄命恨難窮蛾眉傾國誰家女十
五纖腰媒未通金屋盈盈嬌白日錦牕的的玩
春風戎馬一朝生冀北黃巾萬騎滿山東金繒
賤棄如泥土絕色爭擒獻鏑鋒火燒野田飛墅
鴨雲映東方生蝮竦飄零自分身如葉憔悴誰

甘首似蓬當時不識門前路今日能彎馬上弓
嬾女何能堅節操丈夫本自不英雄

蒙鳩篇

辭家鄉去親愛遠從軍萬里外日暮曠野霜風
凍我有夫行惻營巢寄所蒙鳩語老鴟摘巢抨
去之老鴟言此鳥是鳳皇抨之恐不祥但可嚇
去之不令在我傍鳳止鳳飛羽毛摧頽五里一
還顧十里一徘徊山川嵯峩嶽岑隱阿且飲晨
露飡朝霞禍無常門福無常家咄嗟呼傷哉謂
之何

羅甸曲貴州道中

山圍羅甸國水繞的澄橋橋下東流水可惜無
蘭橈蠻樹不凋葉蠻雲不放晴長亭望不見何
處是渣城

月儀帖

鸞驚開二竅蠶尾見征西花蠹臙銷鼈香蟬跋

認鷺不逢華蓋叟誰與重鳩燿

梁元帝古跡啟
鸞驚之奇聞之

於索靖鷹跖之巧又顯之於蔡邕山谷詩惜無
征西蠶尾手爲寫黃門急就章征西指索靖也

華蓋山人朱仲溫模爲拓本也月儀帖秘閣續刻尾有鷺字東坡詩我今久閣筆不寫紙尾鷺

玉臺體

戚里盛豪華聯翩赴狹斜寶闌圍鬪鴨金瓦擲
鳴哇歸騎春城晚風吹滿路花

薛蕙

善哉行

來日大難痛心疾首今日爲樂莫懲其後大難
如何昊天不嘉吉凶有時人莫之知鹿之游斯
在彼中野庖人調和將以爲脯翩翩白龍好是

魚服豫且射之載中其目少康出畋不復其舍
戎王朝卧廼縛尊下式戒在始式備在終匪戒
匪備害于其躬天命戾止匪夙則莫勉爾在位
無俾天怒

煌煌京洛行

猗猗椅桐斤斯斧斯人之維良胡俾遺之豈弟
君子人之是穀君子不弘人之無祿絺綌在冬
子曰有衣終朝不饋子曰罔饑此之仡仡子曰
不力彼之揭揭子曰不直有管有蒯女子采之

九九之術齊君禮之室周讓御簡子是取臧文
之賢譏於孔父吁嗟士人生之窮今我思古人
惟周公兮

鳳笙曲

白玉作筩黃金葉鳳翅差池凰羽接奇弄徘徊
曲重疊曲重疊聽增傷鴟鷄舞白鶴翔

隴山

隴之山今在彼西北子之征今防禦中國隴上
之木鳥不肯息隴下之水魚不肯食

蔣山卿

門有萬里客

此當爲張永嘉而作

門有萬里客駕言發京都問客京都來世事比
何如公車待詔士北闕新上書崢嶸片言合息
寵一朝殊升君白玉堂上君黃金塗賜與出內
藏宅第夾皇居華榱鏤壁璫文牕結綺䟽珠履
並侍從紫衣備走趨高門平日開飛蓋已填衢
官爵入掌握才俊待吹噓顧盼遺光彩俯仰生
榮枯貴盛誰不美尊幸古來無天運相代謝日

月有盈虛時命苟未逢取進何所圖執戟疲揚
雄文園病相如今君守寂寂辛苦徒嗟吁

王廷陳

出自薊北門行

胡匪茹寇朔方信妖師造不祥條豕突忽鴟張
逾回中至涇陽蹂稼穡發蓋藏遭者劉奔不遑
父失子女求孃聲斷絕摧肝腸天爲愁日無光
不有辜懼厥殃一解帝赫怒命徂征方召往衛霍
行旛旒揚組練明介馬馳速流星朱爍烈玄顏

蒸仗中權效先登人皆奮身命輕

二解出鴈門過

祈連煎瀚海夷天山絕累重燼毳羶整三姓傑
兩賢谷蠡殪當戶殲斬首虜如刈菅血釁鼓頭
繫鞍血漬野骨填川檻厥魁凱以旋三解捷書聞

不色喜庭臣賀帝曰止嗟我軍寧無死詔扶傷

兼罪已

四解

馬歸山士服田死錄子生與錢戒軍

吏勿開邊羗無過漢不先務休息思保全罷還

戍閉玉關韜五戎壽萬年

五解

闡闡行

闐闐開賢人庸鳴鼓間擊鏞貢術蓄指微哉同
汲清亦附滓鮮株槁芟紛以供背叛腹媪逐翁
如韋之矢十斛弓俄逐而西頃却以東退乖安
侶進喪貞朋捷徑窘踈武仁軌罕哉通孰爲雌
孰爲雄朝譽曰堯夕詆則躋梟鴟犯鸞凰簫艾
牛蘭叢蒙首以征吾將奚從

行路難

磁石引鐵金不連餌可得魚龍不吞蠟戟雖研
不可剗明珠雖貴不可餐水中之車何殊陸地
之船玉卮無當不以注白刃倒持安用銛手中
雖有丈八矛試之井底難迴旋雖有輕輿駕良
駟途窮日暮安能前丈夫雖有磊落才生不逢
時將蒿菜

擬矯志篇

龍虬雖困不資鱗鯁鸞鴛雖孤不匹鷺雛雖有
香草當戶必除雖有仁人在敵必誅狐白雖美
炎暑必置舟車之用易地則棄蕙蘭不采無異
蓬蒿干將不試世比鉛刀以驥捕鼠曾不如狸

餓夫獲璧不如得麋郭生純臣魯連高士彼乃
登臺此則蹈海寧直見伐無爲曲全寧渴而死
不啜盜泉

猛獸行

山上採樵道逢猛虎虎銜樵去置之林下樵告
虎言君何不仁君得一飽我則殞身昔非有怨
今何見嗔虎答樵言何哉所云子非我怨我非
子嗔皇天賦性有此不仁樵告虎言君言難辨
匪我攸聞吾聞天地大德曰生騶虞不殺獨匪

爾倫虎答樵言當死小虜亦何多陳三日乏食
竄伏荆榛辛苦見遭奈何舍君樵得虎言仰天
大叫哀聲徹雲虫蟻惡死况乎我人願取厲氣
敷和布春盡令猛虎化爲龍麟

沈 愷

結襪子行

蜀道難爲直黃河難爲清千里能一曲不如直
道行雌雉鳴雄風生壯士憤殺氣橫豐城寶劍
耀日月時時拂拭蛟龍鳴浮名等飄瓦軀命鴻

毛輕漸離剔目不足數舞陽死灰竟何成提劍
感激報知己一時千載揚烈聲

沐浴子

胡爲玄胡爲白玄不受緇白或可飾皎皎還易
汚闇闇人弗疑君不見甌甌誇璠璣魚目笑珠
璣吁嗟沐浴子今何爲同堂合坐慎勿迷懷貞
履潔仍自持

戴 欽

采珠曲

漢川采珠女盈盈漢水湄香風飄繡帶春日照
羅衣寶珠一朝得笑動青蛾眉持歸入中堂麗
彩生簾幃團團弄明月湛湛搖青池幽庭天日
吐玉匣斗星垂王孫聞此寶千金來見遺登門
願一覲長跪方致詞珠女三嘆息人靈貴自知
寶重古所貴金多何用爲萬鎰非我慕連城不
爾思珍藏青瑣櫝永翫白龍輝

范 欽

出門曲

烏亂啼馬又嘶車輪宛轉指安西出門默默不
得語獨倚空牀淚如雨

王問

賣鎗纓行

先是吳中有賣鎗纓人上城之謠已
果寇至倉卒驅衆捍禦皆白徒也且
值耕侯農甚苦之

賣鎗纓人上城白晝揚旗夜點燈海上倭奴騷
不寧偵子報來夜虛驚鼙鼓逢逢槓到明江頭

嗷嗷望官兵里門喧闐縣抽丁糾集義勇攢結
營溪田有牛耕不成賣鎗纓人上城

趙鈇

從軍行

令甲戰而損軍者死募兵則不
然

從軍有苦樂從軍良不惡官家重民兵我軍只
守城民兵負戈戰我軍立觀變民兵骨如山將
軍不汗顏但得我軍在城墮不稱敗我軍生死
將軍命將軍護軍如護印將軍有時罪猶錄行
賞我軍恐不速莫嘆身無衣居無屋但報胡虜

來我軍有馬兼有粟如此從軍心亦足

王世貞

樂府變

治兵使者行當鴈門太守

美蘓州兵備任環也

今皇帝時治兵使者任君繇別駕稍遷別駕坐

府儼若明神大吏畏公小吏畏民

解一

倭奴揚帆

來疾如衝飈殺

吏士奉首伏逃任君當之數

折其驕

解二

殷殷師鼓任君在先錮錡師金任君

在殿止若春風動則夏電

解三

士女避敵走不敢

開門任君令開門全活千萬人生我父母存我

任君

解四

入夜不宿或晝輟飧胄而拊循挾纊一

言願與同死不斬獨全

解五

賢哉我師任君媪死

不歸墨而戎絰慈母令子明君良臣

解六

輯兵持

服舍車而徒老弱奔走巷哭旅呼家斲一木以

像君軀

解七

天禍王室早就奄迷何以祠君姑蘓

臺西千秋萬年俎豆其間

解八

壽寧泣

刺張鶴齡壽寧也

何當快樂無憂長兄太師上公小弟太傅徹侯

太后不避傅姬兩宮睥睨參差中外嘖嘖憂疑
有妄男子數人上書告密紛紛緹騎東西逐奔
黃金大貝明珠木難火齊珊瑚散入咸陽賈胡
兄弟駢首琅璫太師奪封道亾小弟殺人坐償
念昔蒙恩紫宮左掖夜啟銅龍亾酒不論椒風
君心頃刻萬端何況彼此異天掩袂飲泣重泉
敬謝太后主臣在昔王法無親大德不德奚論

將軍行

刺仇鸞也

婁豬化爲龍頭角故不分貪狼長百獸那不食
其群有何短老公自稱大將軍從兵三十萬華
蓋若飄雲尺一丹稜篋細刺蛟螭文一署臣某
字直入銅龍門忽開青天笑雷公不得聞碧眼
雙胡兒慣騎大宛駒與公同卧起辮髮貂襜褕
朝令謁天子暮令拜單于單于開篋看中有尺
一書織成紫纒綸恰恰覆穹廬犀毗黃金造密
欺珊瑚珠團龍五色帛百疋爲一角單于大權
喜親爲割肉炙小嬾彈琵琶大嬾奉羊酪手取
一束箭墨文何錯落爲語而將軍物微意不薄

箭鋒但相近各各相引却歸還告將軍將軍大
懽喜今年虜却去好復開茅土幕府上功簿兩
胡對金紫鬼伯何催促將軍向高里嚴霜一夜
零華堂遍荆杞翩翩執金吾緹騎類貔虎急爲
發其私丞相下御史支磔將軍骸分梟十二邊
車裂兩胡兒剗肉施烏鳶紅顏夫人嬾懸首映
旌梅白面羽林郎含咽向重泉小女配人奴歌
舞侯家筵田園億千疆各自稱新阡生爲衆人
恨死爲衆鬼憐寄語二心臣貽臭空萬年

越臺高

刺趙文華也

越臺高高以臨吳會下視珂峩千艘萬艘來不
知外戟如霜炮如雷嬾女纍戟底丈夫頭懸戟
支遙問乃是故鄉之人何畏哉遙問乃是故鄉
之人何畏哉男兒生世須黃金黃金令汝捆載
歸男兒但得多黃金安用刺促鬪爭爲大夫坐
越臺中央諸君但坐兩頭織成毳毼錦地衣流
蘓八角珊瑚鈎酌大酒烹肥牛諸君但坐兩頭
爲汝楚歌不得休下有一百二十紅粧瓊枝鬪

葉搖明璫枝枝玉相對葉葉翠相當銀燭迷離
復黃昏共醉捉大夫不知大夫在阿旁衆中有
小女自名董妖嬈入門拜大夫刺刺重燒燒出
門拜大夫施施重躑躑十疋紅番羅下壓銀狻
猊上有大夫字但受不得辭鼓曠曠報出日詔
書來衆縮瑟大夫笑謂諸君但坐無所苦長安
相君日卓午越城機軋軋日暮爲相織作何所
苦黃金南北走大夫中央卧御史濡沫不得禰

白蓮花

傷沈鍊

白蓮花捧世尊左跪聖母右拜神君蓮花水浴
金盆男女行照之女爲后妃男侯王金貂羅紈
耀兩行生當踏玉階死當坐天堂誰爲遣汝來
丘太師周太師卻立那顏東西授汝尺一錦牘
赤白號帶兩頭垂但入上谷雲中得好兒郎因
依精兵十萬騎一一銜枚後頭隨天運不在胡
白發所謀私反接向市中號呼衆男女曷不救
我爲救我死者坐天堂生當踏玉階忽有一書
生衆不識爲誰書生從何來乃是闕下上書男

子長流關外醉卧闐闐間夜半縛致之桃李種
山岡蓮花種湖陂刺舟摘蓮花卻折桃李枝東
市標書生頭鼓墮隴使者輜千金賞萬戶侯道
傍跌足涕被面中丞封御史轉丞相閣中三日
宴

黃河來

傷曾銑也

黃河西來崑崙小復前滙玉關自是白羊樓煩
漢將所築城犬牙其間一解虜闌入之不休橐駝
駒駝鬣牛控絃穹廬四周自我失新秦州與虜

雜治共繇

二解

出疆者何大夫大夫曾君憂虞人

吏買馬具車請爲諸君擊胡上請誓劍璽書

三解

咄嗟大夫不覩長安之城武安魏其日夜引繩

斷斷千金偏行奚爲金吾白發之赫哉天威

四解

咄嗟大夫不見兵出玉關乃見藁街之西不懸

郵支乃懸大夫萬水東流魚西上鈎誰獨爲羗

胡快私讐咄嗟大夫乃爲相君快其讐

五解

咄嗟

大夫氣盡不復謹謠離離山下苗托蔭山上桃
風吹桃根墮苗行代桃焦可憐生無常生死借

人驕六解

暴公子刺鄢憇卿也

漢武帝時有一暴公子自稱直指使者來治齊
魯黃紙爲前驅從史持繡斧使者如雷霆雷霆
當頭下使者未行來墨吏紛紛解綬去田里手
卽平淮書口卽冠軍語使者旣行來墨吏不肯
去去者乃老博士扶服道傍戚戚仰天大泣涕
有何鄉老公積鏹萬千念非矚氏豪不敢屬縣
官告密一見聞束縛妻子若牛羊東家盜遺骸

西家斲古塚來證此老公就死不得控念欲北
走胡邊刑重闌出念欲南走越漢地今爲一念
欲向天上橫天置羅網念欲蹈泉下妻子恐偕
往薊門使者居中有夜行途金銀絡繹去但去
莫次且烏畢逋赦書馳歸來相賀歸無家安用

主上金雞爲

太保歌刺陸炳也

北山虎而翼南溟鯨而爪生世不諧錦衣帥作
太保太保入朝門緹騎若雲屯進見中貴人人

人若弟昆太保從東來一步一風雷行者闌入
室居者頷其頰太保賜顏色黃金立四壁一言
忤太保中堂生荆棘緹騎走八方方方俱太保
太保百億身所至倏如掃雞鳴甲舍開爭先衆
公卿御史給事中不惜稱門生歡飲丞相邸刻
臂爲父子生非真骨肉子貴父不喜但呼太保
名能止小兒啼鬼伯一何慙荷索便相催縣官
爲震動急敕治喪事少府給金錢東園給秘噐
後帥朱都督特遣護其家起冢像陰山負鼎插
雲霞弔客雖以繁不及賀者多可憐堂中哭不

勝巷中歌

今皇帝時御史白發陰私稱

詔籍家財金寶盡流離妻子逐歸故郡兄弟作
長流家人大小鼠竄不竄作俘囚賜塚踏爲田
松栢摧爲薪已無牛羊地可上何云近前太保
噴金鷄鼓兩翼萬戶初帖席土馬行不得萬人
各加額有權勿遽歡無權勿終酸無權保廬井
有權不保七尺棺我歌太保歌貴者感其輦已
令前人後人笑莫令後人笑後人

袁江流鈴山岡當廬江小嬾行

刺嚴嵩也

湯湯袁江流截嶧鈴山岡鈴山自言高袁江自言長不知何星宿獨火或貪狼降生小家子爲災復爲祥瘦若鸛雀立步則鶴昂藏朱蛇戢其冠光彩爛縱橫孔雀雖有毒不能掩文章十五齒邑較二十薦鄉書三十拜太史屹屹事編摩五十天官卿藻鏡在畱都六十登亞輔少保秩三孤七十進師臣獨秉密勿謨八十加殊禮內殿敕肩輿任子左司空孽孫執金吾諸兒勝拜

跪一一賜銀緋甲第連青雲冠蓋羅道途倬直不復下中禁起周廬涼堂及便房事事皆相宜文綵織隱囊細錦爲牀帷尙方鑄精鏐胡盃杯苾籬雕盤盛玉膳黃粟封大禧五尺鳳頭尖時時遣問遺黃絨團蟒紗織作自畱司匹匹壓紗銀百兩頗有餘煎作百和香染爲混元衣溫涼四時藥手自劑刀圭日月報薄蝕朝賀當暑祁但卧不必出稱敕撰直詞御史噤莫聲緹騎勿何誰相公有密啟爲復未開封九重不斯須媿

好貼當胸密詔下相公但稱嚴少師或字呼惟
中縣官與相公兩心共一心相公別有心縣官
不可尋相公與司空兩心同一心司空別有心
相公不得尋昔逐諸城翟黃冠歸田里後詒貴
溪夏朝衣向東市戈矛生聲咳壘粉成睢眦朝
䟽論相公筆榜夕以至寧忤縣官生不忤相公
死相公猶自可司空立殺爾凌晨直門開九卿
前白事不復問詔書但取相公旨相公前報言
但當語兒子兒子大智慧能識天下體九卿不

能答次且出門去不敢歸其曹共過城西邸司
空令傳語偶醉未可起去者歸其曹畱者當未
至九卿面如土九卿足如枳爲復且忍饑以次
前白事司空有得色相公直廬喜司空稍囁嚅
相公直廬恚不復問相公但取司空旨縣官有
密詔急取相公對相公不能對急復呼兒子兒
子大智慧能識天下體一䟽天怒迴再䟽天顏
喜九邊十二鎮諸王三十國中外美達官大小
員數百各各黃金鑄一一金直南海明月珠

于闐夜光玉猫精鴉鶻石酒黃祖母珠紅紫青
靺鞨大者如拳蕨薔薇古刺水伽南及阿速瑞
腦真龍涎十里爲芬馥古法書名畫何止千百
軸玉躡標金題煌煌照箱籠妖姬回鶻隊隊隊
皆殊色銀牀金絲帳玉枕象牙席杏衫平頭奴
綵滕雙蹴鞠酒闌呼不見潛入它房宿生理馮
子都爛煮秦宮肉生者百叢花歿者一叢棘近
卽龍牀底遠至陰山後凡我民膏脂無非相公
有義兒數百人監司迨卿寺以至大節鎮侯家
并戚里透迤洙泗步燦燦西京手老者相公兒
少者司空子謂當操鈞柄天地俱長久御史上
彈章天眼忽一開詔捕少司空究覈諸賊罪三
木囊赭衣炎方禦魑魅金吾一孫戍餘者許歸
侍意猶念相公續廩存晚計舳舻三十艘滿載
金珠行相公船頭坐誰敢問譏征嘯傲鄙塢間
足誇富家翁司空不之戍還復稱司空廣徵諸
山材起第象紫宮募卒爲家衛日夜聲洶洶從
奴蹋邑門子弟郡國雄不論有反狀訛言所流

騰宗社萬不憂黔首或震驚御史再發之天威
不爲恒御史乘飛置捕司空至京司空辭相公
再拜泣且絮今當長相別兒不負阿父相公心
自言阿父寧負汝不識一丁字束髮辟三府月
請尚書奉冠服亞汝父汝父身不保安能相救
取重懇監行客少入別諸姬歸者吾而配不歸
而鬼妻諸姬心自言司空何太癡歸者吾而配
不歸人人妻還撫諸兒郎阿爺生別離金銀空
饒積高與鈴山齊不得鑄爺身及身身始知兒
郎心自言阿爺何太癡有金兒當使無金兒自
支監行兩指揮各携鐵銀鐺程程視洩寢步步
相扶將有酒強爲歌無酒夜徬徨秋官爰書上
頃刻飛騎傳一依叛臣法死死大道邊有屍不
得收縱施群鳥鳶家貲巨千萬少府司農錢上
寶入尚方中寶發助邊不得稱相公沒入優老
田片瓦不蓋頭一絲不着肩諸孫呼踐更夕受
亭長鞭僮奴半克戍餘者他州縣夜半一啟門
諸姬鳥獸窟里中輕薄子媒妁在兩腕相公逼

饑寒時一仰天嘆我死不負國奈何坐兒叛傷
人爲大笑惜汝一何愚汝云不負國國負汝老
奴誰令汝生兒誰令汝縱臾誰納庶僚賄誰股
諸邊儲誰僂直諫臣誰爲開佞諛誰什國梁柱
誰剪國瓜牙土木求神仙誰獨稱先驅六十登
亞輔少保秩三孤七十進師臣獨秉廟廊謨八
十加殊禮內殿敕肩輿任子左司空孽孫執金
吾諸兒勝拜跪一一賜銀緋甲第連青雲冠蓋
羅道途以此稱無負不如一婁豬食君圈中料
爲君克庖厨以此稱無負不如一殺齏食君田
中草爲君禦霜雪以此稱無負不如韝中鶻雖
飽則掣去毛羽前嚙決以此稱無負不如鼠在
厠雖有小損傷所共多污穢相公寂無言次且
復徬徨頰老不能赤淚老不盈睚生當長掩面
何以見穹蒼死當長掩面何以見
高皇
殮用六尺席殯用七尺棺黃腸安在哉珠襦久
還官狐兔未稱尊一丘不得安爲子能負父爲
臣能負君遺臭汚金石所得皆浮雲

田汝麟

燕啣泥

燕啣泥巢君屋千里赴陽春忍令在空谷不食
君家米與鹽但借君家梁上宿君不爲上畱田
君不獵中山鹿胡爲閉門相棄逐

顧大典

江南弄

桃英灼灼柳絲縈緩歌短舞蕩游情含嬌歛態
笑相迎笑相迎復相憶君不來思何極

馮時可

羅甸曲

孤燈照遠客孤雲鎖重城長夜何時旦久雨何
時晴

黔山歌

黔山如雲黔水如絲騎多船少游子心悲

謝杰

上雲樂

老胡名文康生世何茫茫托身混沌前悠然見

洪荒骨體象四極眉睫藏三光天地初生時爲
判玄與黃人物初生時爲分陰與陽萬彙如奇
貨老胡如巨商拊摩盤古氏玩弄天人皇夸父
晨御車女媧夕扶牀老胡居上頭若士趨下方
盧敖與廣成不敢望門牆西河汎濛汜東林種
扶桑狗畜蒼麒麟鷄呼白鳳凰始因慕玄化飄
然來帝傍旣張洞庭樂復舉瑤池觴饑炊青精
飯渴進紫瓊漿爲言開闢初次第無所忘大曆
億萬劫小曆九千霜陛下但端坐爲樂誠未央

煌煌京洛行

煌煌京洛維帝之鄉地交陸海人雜五方物態
千狀靡可籌量炙手可熱死灰或颺清商回換
六月飛霜翟公門第雀羅倏張衛青奴虜夕拜
侯王黃金作埒白玉爲堂東鄰施戟北里鳴璫
鄠杜惡少邯鄲名倡徵歌百萬縱博千場時不
可再樂不可常悠悠南陌纍纍北邙東望上蔡
西望咸陽黃犬旣斃狡兔亦僵有德以昌無德
以亡周公之訓慄如探湯

馮琦

秋胡行

寒士易德貴交難爲歡寒士易德貴交難爲歡
張陳刎頸蕭朱彈冠虛願不酬要盟易寒喜極
而復或爲怨端歌以言之貴交難爲歡
美成在久惡成不及改美成在久惡成不及改
塵積爲岳愛流成海女之耽兮則不可悔鷹化
爲鳩其目猶在歌以言之惡成不及改

郭正域

楚妃嘆

楚妃樊姬也一言晤主而進孫叔敖
謂虞丘不薦賢也後人乃作宮怨非
矣

妾薦九女九女與處爲問虞丘何人似女
君好田禽妾不食肉君用叔敖四隣讐服

區大相

定朝鮮 二首

皇赫怒命東征千翼舉七萃行渡綠江援王京

鰲足斷海波平扶桑拂暘谷升旭日中仰大明
戮倭奴定朝鮮武功振文德宣橐弓矢戢戈鋌
藩服固王會全祥瑞降諸福駢祝聖壽萬斯年
韋布

楊維禎

張猩猩胡琴引

有序

胡琴在南爲二絃子在北爲今名亦
古月琴之遺製也教坊弟子工之者
衆矣而稱絕者尠胡人張猩猩者絕

妙於是時過余索金剛瘦胡琴名作
南北弄故製胡琴引

張猩猩嗜酒復嗜音春雲小官鸚鵡陰猩猩帳
底軋胡琴一雙銀絲紫龍口瀉下驪珠三百斗
劃焉火豆爆絕弦尚覺鶯聲在楊柳神弦夢入
鬼工秋湘山搖江江倒流玉兔爲爾停月白飛
魚爲爾躍神州西來天官坐栲栳羗絲啁啾聽
者惱張猩一曲獨當筵乞與五花金絲襖春風
殘絲二十年江南相見落花天道人春夢飛蝴

蝶手弄金瓢合簧葉張猩猩手如雨勸爾更盡
雙叵羅白頭吳娥年少謔金剛悲啼奈樂何

程 誥

春江行

壚頭新酒柘枝黃郎醉尊前不
天未曙東風催上巴船去
林一聲鳥啼

皇明文徵卷之七

蝶字弄金瓶
雙巨羅白頭
程 話

春江行

壘頭新酒
天未曙
風催上巴船去

皇明文獻卷之七

